



CONVOCATORIA DE BOLSAS PARA MELLORAR AS COMPETENCIAS LINGÜÍSTICAS DO PERSOAL DOCENTE DA UNIVERSIDADE DA CORUÑA (2018)

Nunha aposta decidida pola internacionalización na casa e fóra dela, a Universidade da Coruña a través da Vicerreitoría de Internacionalización e Cooperación convoca bolsas para mellorar as competencias lingüísticas do profesorado que imparte docencia en inglés en títulos oficiais da UDC.

A integración da dimensión internacional na educación superior a través do coñecemento da lingua franca no eido académico e investigador constitúe un factor fundamental na mellora da calidade educativa, na proxección exterior da universidade e na apreciación e integración dos valores culturais característicos dos distintos pobos.

1. OBXECTO DA CONVOCATORIA E DESTINATARIOS

Convócanse en réxime de concorrencia competitiva 140 bolsas para a asistencia e o aproveitamento de cursos de inglés no Centro de Linguas. As persoas beneficiarias deberán matricularse nos cursos de primeiro cuadrimestre do Centro de Linguas nos prazos establecidos e aboar as taxas correspondentes.

A Vicerreitoría de Internacionalización e Cooperación subvencionará o importe dos prezos de matrícula destes cursos do Centro de Linguas.

As persoas destinatarias deberán formar parte do cadro de persoal docente da Universidade da Coruña nalgunha das categorías de persoal con dedicación docente da UDC, que perciba as súas retribucións con cargo ao capítulo I dos orzamentos da UDC. Esta condición deberá posuírse tanto no momento da solicitude da bolsa como no momento en que teña lugar o curso. Será responsabilidade do candidato informar de calquera modificación sobre a súa relación laboral coa UDC antes do inicio da actividade formativa.

2. FINANCIAMENTO

Esta convocatoria finánciase coas achegas de fondos propios da UDC con cargo á partida orzamentaria 0800080029 422D 48100 por un importe total de 25.000 €, sen prexuízo de que este importe poida ser incrementado en función da dispoñibilidade orzamentaria.

O importe máximo de cada axuda será de 175,00 € para cada curso e en ningún caso excederá do importe da matrícula.

En ningún caso se financiarán cursos para os que a persoa interesada conte con calquera outra axuda da Universidade para o mesmo fin.

No caso de que ao inicio da impartición do curso a persoa interesada estiver en situación de baixa por enfermidade perderá o dereito á percepción da axuda.

3. ÁMBITO DE APLICACIÓN

Ofreceranse os seguintes cursos:

- Cursos regulares de 45 horas de A2 de inglés dos ofertados polo Centro de Linguas no curso 2018-2019 (Horarios susceptibles de modificación)
 - 1.º cuatrimestre: primeira parte de A2 (45 horas)

A Coruña:
Inglés A2.1 (45 horas): luns e mércores de 16:00 a 18:00
 - 2.º cuatrimestre: segunda parte de A2 (45 horas)

A Coruña:
Inglés A2.2 (45 horas): luns e mércores de 16:00 a 18:00

- Cursos regulares de 60 horas de B1- B2 ou C1 de inglés dos ofertados polo Centro de Linguas no curso 2018-2019 (Horarios susceptibles de modificación)
 - 1.º cuatrimestre: primeira parte de B1, B2 ou C1 (60 horas)

A Coruña:
Inglés B1.1 grupo 1 (60 horas): martes e xoves de 14:30 a 17:00
Inglés B1.1 grupo 2 (60 horas): martes e xoves de 18:30 a 21:00
Inglés B2.1 grupo 1 (60 horas): martes e xoves de 10:00 a 12:30
Inglés B2.1 grupo 2 (60 horas): luns e mércores de 16:00 a 18:30
Inglés C1.1 (60 horas): luns e mércores de 16:00 a 18:30

Ferrol:
Inglés B1.1 (60 horas): luns e mércores de 18:30 a 21:00
Inglés B2.1 (60 horas): martes e xoves de 18:30 a 21:00
 - 2.º cuatrimestre: segunda parte de B1, B2 ou C1 (60 horas)

A Coruña:
Inglés B1.2 grupo 1 (60 horas): martes e xoves de 14:30 a 17:00
Inglés B1.2 grupo 2 (60 horas): martes e xoves de 18:30 a 21:00
Inglés B2.2 grupo 1 (60 horas): martes e xoves de 10:00 a 12:30
Inglés B2.2 grupo 2 (60 horas): luns e mércores de 16:00 a 18:30
Inglés C1.2 (60 horas): luns e mércores de 16:00 a 18:30

Ferrol:
Inglés B1.2 (60 horas): luns e mércores de 18:30 a 21:00
Inglés B2.2 (60 horas): martes e xoves de 18:30 a 21:00

4. REQUISITOS DOS SOLICITANTES

Poderá solicitar a axuda o profesorado da Universidade da Coruña que se atope nalgunha das seguintes situacións:

- Teña intención de realizar unha mobilidade internacional no curso 2018/19 ou 2019/20
- Imparta ou teña intención de impartir docencia en dobres titulacións internacionais
- Imparta ou teña intención de impartir docencia en graos bilingües

Os solicitantes poderán solicitar ata un máximo de 2 cursos e deberán xustificar documentalmente o nivel inmediatamente anterior ao do curso que solicitan ou alomenos o nivel anterior ao primeiro dos cursos que solicitan. Se isto non for posible, para comprobar o seu nivel de inglés, deberán facer a proba DIALANG, dispoñible en <https://dialangweb.lancaster.ac.uk/> e entregarán unha copia do resultado, xunto coa solicitude.

5. CRITERIOS DE SELECCIÓN

Para os cursos de 60 horas terá prioridade o profesorado que

1. Non estea acreditado para impartir docencia en inglés na UDC en convocatorias EMI (curso) ou CIDI (proba oral) da UDC.
2. Necesite acadar un B2 de inglés para asistir ao curso EMI.
3. Non teña un nivel B1 de inglés e xustifique a necesidade de mellorar a pronuncia do idioma e a fluidez para impartir docencia en inglés.

As solicitudes admitiranse por estrita orde de chegada até completar o grupo de 140 profesores.

O resto dos solicitantes aparecerá nunha listaxe de agarda que respectará a antedita orde de chegada e as axudas iranse adxudicando, de ser o caso, na orde nela establecida.

Poderá concederse un segundo curso con financiamento se quedasen aínda fondos para financiar os cursos adicionais solicitados.

As persoas seleccionadas poderán presentar a súa renuncia antes do comezo do curso. O incumprimento deste punto suporá a exclusión da solicitude do mesmo candidato na seguinte convocatoria.

6. OBRIGAS DOS BENEFICIARIOS

O Centro de Linguas anunciará na súa páxina web as datas de apertura dos cursos. O persoal docente que solicite unha destas prazas deberá rexistrarse seguindo as indicacións do Centro de Linguas.

É obrigatoria a asistencia ao 80% das horas lectivas do curso para recibir o certificado de asistencia emitido polo Centro de Linguas. O incumprimento deste punto suporá a exclusión da solicitude do/a candidato/a na seguinte convocatoria.

7. PAGAMENTO DAS AXUDAS

Para proceder ao pagamento das axudas é preciso obter un diploma ou certificado de ter superado o curso. Este pagamento será aboado a través da nómina (coa correspondente retención).

Antes do prazo **dun mes**, unha vez rematado o curso para o que se pediu a axuda, deberase presentar na ORI o certificado/diploma obtido que deberá ser de asistencia e de superación do curso.

8. SOLICITUDES

A persoa solicitante deberá presentar a seguinte documentación.

- Impreso de solicitude (Anexo I)
- Documentación acreditativa do nivel previo requirido no punto 4

9. LUGAR E PRAZO DE PRESENTACIÓN DE SOLICITUDES

As solicitudes presentaranse preferentemente no Rexistro electrónico da UDC, no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña provisoriamente na Zapateira ou do campus de Ferrol (Dr. Vázquez Cabrera s/n, Esteiro, 15403 Ferrol). Asemade, poderán presentarse por calquera dos procedementos previstos no Artigo 16.4 da Lei 39/2015 de 1 de outubro de Procedemento Administrativo Común das Administracións Públicas.

Esta convocatoria permanecerá aberta dende o día seguinte da súa publicación e até o 5 de setembro de 2018.

Para máis información:
Oficina de Relacións Internacionais
Casa do Lagar
Campus de Elviña
Tel: 981 167 000 (ext. 1956)
Correo electrónico: iro@udc.es

A Coruña, 31 de maio de 2018

O reitor

Julio E. Abalde Alonso

**Convocatoria de bolsas para mellorar as competencias lingüísticas do Persoal
Docente da Universidade da Coruña**

ANEXO I

Impreso de solicitude

APELIDOS E NOME:
DNI:
ENDEREZO ELECTRÓNICO:
CENTRO UDC:
CURSO QUE SOLICITA NO CENTRO DE LINGUAS:
MOTIVACIÓN DA SOLICITUDE:

Documentos que achega:

- Documentación acreditativa do nivel previo requirido

A Coruña, _____ de _____ de 2018

Sinatura da persoa solicitante _____

SRA. DIRECTORA DA OFICINA DE RELACIÓNS INTERNACIONAIS